



Beth fydd yn digwydd yn fy nghyfweliad profiant?

Arweiniad i bobl sy'n ceisio cael profiant

Beth yw'r Gwasanaeth Profiant?

Mae'r Gwasanaeth Profiant yn rhan o Wasanaeth Llysoedd a Thribiwnlysoedd EM. Mae'n gweinyddu'r system brofiant, sy'n rhoi'r hawl gyfreithiol i bobl i ddelio ag ystad (er enghraifft, arian, meddiannau ac eiddo) unigolyn sydd wedi marw.

Mae'r daflen hon yn dweud wrthyhch beth i'w ddisgwyl os byddwch yn mynychu cyfweliad profiant.

Os oes gennych unrhyw gwestiynau, cysylltwch â'ch cofrestrfa brofiant leol. Mae'r staff yno i'ch helpu chi - ond ni chânt roi cyngor cyfreithiol ichi.

Cyflwyniad

Pan fydd unigolyn yn marw, bydd fel arfer yn gadael ystad (yn cynnwys arian, meddiannau ac eiddo) ac weithiau ewyllys.

Mae unrhyw ewyllys yn enwi un neu fwy o ysgutorion i fod yn gyfrifol am gasglu'r holl arian i mewn, talu unrhyw ddyledion a dosbarthu unrhyw gymynroddion a adawyd i unigolion neu i sefydliadau.

Er mwyn gallu cael at yr ystad, mae angen i'r ysgutor wneud cais i'r Gofrestrfa Brofiant am ddogfen o'r enw Grant Cynrychiolaeth neu 'grant'. Profiant yw'r enw ar y broses hon.

Yn y mwyafrif o achosion, mae gwneud cais am brofiant yn broses syml. Y gofrestrfa brofiant sy'n gweinyddu ceisiadau am grantiau yng Nghymru a Lloegr.

Pam mae angen i mi ddod am gyfweliad?

Pwrrpas y cyfweliad yw cadarnhau'r wybodaeth yr ydych wedi'i darparu yn eich cais am brofiant, er mwyn i ni allu ganiatáu Grant Cynrychiolaeth ichi. Bydd y cyfweliad hefyd yn rhoi cyfle ichi ofyn cwestiynau.

Ymhle fydd y cyfweliad yn cael ei gynnal?

Cynhelir y cyfweliad yn y lleoliad a nodir ar eich llythyr apwyntiad. Y lleoliad y gofynnoch chi amdano adeg llenwi'r ffurflen gais ddylai hwn fod. Os nad yw hwn yn gywir, cysylltwch â'r gofrestrfa brofiant yr anfonoch eich cais iddi, cyn dyddiad y cyfweliad. Cynhelir yr apwyntiad mewn ystafell breifat. Ni fydd rhaid i chi fynd i ystafell llys.

Dilynwch y cyfarwyddiadau ar eich llythyr apwyntiad a sicrhau eich bod yn cyrraedd deg munud cyn eich cyfweliad, fel na fyddwch yn achosi unrhyw oedi.

Pwy fydd yn cynnal y cyfweliad?

Bydd y cyfweliad yn anffurfiol. Byddwch yn cyfarfod ag un o aelodau staff y Gwasanaeth Profiant a elwir yn Gomisiynydd. Ni fydd rhaid i chi weld barnwr.

Pa gyfleusterau fydd ar gael?

Darllenwch eich llythyr apwyntiad i gael y manylion penodol. Os oes gennych anghenion arbennig, cysylltwch â'r gofrestrfa brofiant yr anfonoch eich cais iddi, cyn dyddiad y cyfweliad.

A gaf i ddod â ffrind neu berthynas gyda mi?

Cewch, â chroeso.

A oes angen i mi ddod ag unrhyw ddogfennau adnabod gyda mi?

Oes – rhaid i bawb sy'n gwneud cais am y Grant Cynrychiolaeth ddod â dau fath gwahanol o ddogfen adnabod (dylai un ohonynt fod â llun ohonoch arno) o'r rhestr ganlynol:

- trwydded yrru lawn
- pasbort
- tocyn teithio ar fws swyddogol
- Cerdyn Adnabod Cenedlaethol/Cerdyn Adnabod/Cerdyn Adnabod ar gyfer Gwladolion Tramor
- Cerdyn Yswiriant Gwladol
- Cerdyn Iechyd Gwladol
- llythyr hysbysu am Bensiwn y Wladwriaeth
- llythyr hysbysu am Fudd-dal Plant
- llythyr neu anfoneb gan gwmni gwasanaethau sy'n dangos eich cyfeiriad cyfredol, neu
- bil treth cyngor.

Os nad oes gennych yr un o'r mathau hyn o ddogfen adnabod, cysylltwch â ni cyn eich cyfweliad.

Ddylwn i ddod â rhywbeth arall gyda mi?

Os ydym wedi gofyn ichi ddod ag unrhyw ddogfennau gyda chi i'r cyfweliad, peidiwch â'u hanghofio neu efallai y bydd rhaid aildrefnu'ch cyfweliad ar gyfer diwrnod arall.

Os ydych yn gwisgo sbectol i ddarllen, cofiwch ddod â'r rhain gyda chi.

Beth fydd yn digwydd yn y cyfweliad?

Ni ddylai'r cyfweliad bara mwy na 15 munud. Byddwn yn gofyn i chi ddarllen trwy ddogfen o'r enw 'Y Llwy', y byddwn ni wedi'i baratoi o'r wybodaeth a roesoch i ni yn eich ffurflen gais.

Yna, gofynnir i chi gadarnhau bod yr wybodaeth yn y ddogfen yn gywir, hyd eithaf eich gwybodaeth.

Yn dilyn hynny, gofynnir ichi dyngu ar lyfr crefyddol o'ch dewis chi fod y wybodaeth yn y ddogfen yn gywir.

Os na fyddwch eisiau tyngu ar y Testament Newydd, gallwch ddewis un o'r ddau ddewis canlynol:

- rhoi cadarnhad (sy'n golygu gwneud datganiad cyfreithiol fod yr wybodaeth ar eich cais yn gywir)
- tyngu ar lyfr crefyddol arall. Os ydych am ddefnyddio llyfr crefyddol arall, cysylltwch â'r swyddfa a enwir ar eich llythyr apwyntiad cyn diwrnod y cyfweliad.

Cofiwch, os byddwch yn gwneud datganiad yn fwriadol gan wybod ei fod yn gelwydd, neu gan gredu nad yw'n wir, neu'n dal gwybodaeth yn ôl gan wybod hynny, mae'n bosibl y cewch eich erlyn.

A fyddaf yn derbyn y grant yn y cyfweliad?

Na fyddwch. Caiff ei bostio atoch, fel arfer o fewn deg diwrnod gwaith i'ch cyfweliad - ynghyd âg unrhyw gopïau rydych wedi talu amdanynt.

Os ydych angen y grant ar frys neu os ydych am gasglu'r grant yn bersonol, dywedwch wrth y swyddog sy'n cyfweld.

Os ydych wedi llenwi **Ffurflen Dreth IHT421** ar gyfer Cyllid a Thollau EM, caiff y grant a'r copïau eu postio atoch pan fydd Cyllid a Thollau EM (Treth Etifeddu) wedi cadarnhau eu bod yn fodlon i'r Grant Cynrychiolaeth gael ei ganiatáu.

Os oes gennych gwestiynau am Dreth Etifeddu, ffoniwch y Llinell Gymorth Profiant a Threth Etifeddu - mae'r rhif ffôn ar gefn y daflen hon.

Pa ddogfennau fydd yn cael eu dychwelyd ataf?

Bydd y dystysgrif marwolaeth yn cael ei dychwelyd atoch gyda'r grant. Fodd bynnag, ni ddychwelir yr ewyllys wreiddiol atoch, gan iddi ddod yn gofnod cyhoeddus. Byddwch yn derbyn copi swyddogol o'r ewyllys gyda'r Grant Cynrychiolaeth.

Cysylltiadau defnyddiol

Am wybodaeth gyffredinol am ewyllysiau a phrofiant:

www.direct.gov.uk/death

Am wybodaeth am ffurflenni a thaflenni ar-lein:

hmctscourtfinder.justice.gov.uk

I ddod o hyd i gyfeiriadau'r cofrestrfeydd profiant rhanbarthol:

hmctscourtfinder.justice.gov.uk

Am wybodaeth am y Dreth Etifeddiant a ffurflenni ar-lein:

www.hmrc.gov.uk/inheritancetax

Am wybodaeth fanylach am brofiant a'r Dreth Etifeddiant:

Llinell Gymorth Profiant a Threth Etifeddiant: 0845 3020900

Ffurflenni a thaflenni Profiant

- PA1 Ffurflen gwneud cais am brofiant
- PA1A Ffurflen gwneud cais am brofiant (nodiadau canllaw)
- PA2 Sut i gael profiant (taflen)
- PA3 Rhestr ffioedd profiant (taflen)
- PA4 Cyfeiriadur cofrestrfeydd profiant a chanolfannau cyfweld (taflen)
- PA5 A oes angen grant cynrychiolaeth arnaf (profiant neu lythyrau gweinyddu)? (taflen)
- PA6 Beth fydd yn digwydd yn fy nghyfweliad profiant? (taflen)
- PA7 Sut i adneuo ewyllys gyda'r Gwasanaeth Profiant (taflen)
- PA7A Tynnu'ch ewyllys allan o'r Brif Gofrestrfa Brofiant (ffurflen)
- PA8 Sut i gofnodi cafeat (taflen)
- PA8A Sut i gofnodi cafeat (ffurflen)
- PA9 Sut i gychwyn chwiliad cyffredinol (taflen)
- PA10 Sut i gychwyn chwiliad sefydlog (taflen)
- PA1S Cais am chwiliad profiant (ffurflen)